



Esp. Zk. SUBV_EVAL_INDIV/2025/6

DEIALDIA, 0 ETA 12 URTE BITARTEKO HAURRAK, EDO 16 URTE BITARTEKOAK,
DESGAITASUNIK IZANEZ GERO, EDO 16 URTETIK GORAKOAK % 33TIK GORAKO
DESGAITASUNA BADUTE, HAIEN KARGURA DITUZTEN FAMILIEI DIRULAGUNTZAK
BANAKAKO EBALUAZIO ARAUBIDEAN EMATEKO, FAMILIA, LANA ETA BIZITZA PERTSONALA
BATERAGARRI EGITE ALDERA. 2025. URTEA

Deialdi honen xedea da dirulaguntzak banakako ebaluazio-araubidean emateko prozedura garatzea deialdi honetako B) apartatuan zehaztutako jarduketak egiteko, horrela betez Iruñeko Udalaren Dirulaguntzei buruzko Ordenantza Orokorrak xedatutakoa, zeina Iruñeko Udaleko Osoko Bilkurak 2005eko azaroaren 3an hasiera batez hartutako erabakiaren bidez onartu baitzuen –erabaki hori behin betiko bihurtu zen, jendaurreko epean erreklamaziorik aurkeztu ez zelako–. Deialdi honetan aurreikusi gabeko orotan, Dirulaguntzei buruzko Ordenantza Orokorreko aginduak izanen dira aplikagarri. ([2006ko 21. NAOn, otsailaren 17koan, argitaratua](#)).

A. ENTITATE DEITZAILEA:

1. Administrazio deitzailea:	IRUÑEKO UDALA
2. Organo emaila:	Gizarte Ekintzako Zinegotzi Ordezkaría
3. Alor kudeatzailea:	Gizarte Ekintzako Alorra
4. Instrukzio-organoa:	Dirulaguntza kudeatzen duen Alorreko Idazkaritza Teknikoa.

B. DIRULAGUNTZAREN XEDEA, BALDINTZAK, BETEKIZUNAK ETA HELBURUA:

1. Deialdiaren xedea:

Deialdi honen xedea da 0 eta 12 urte bitarteko haurrak, edo 16 urte bitartekoak, desgaitasunik izanez gero, eta % 33ko desgaitasuna edo handiagoa duten kideak haien kargura dituzten familia-nukleoei diru-prestazioak ematea arautzea, familia, lana eta bizitza pertsonala bateragarri egiteko arrazoiengatik.

Deialdi honen ondorioetarako, familia-nukleotzat joko da eskatzaileak eta, hala badagokio, ezkontide-harremanean edo antzekoan loturik dagoen pertsonak osatzen dutena, eta haiekin bizi diren seme-alabak. Era berean, halakotzat hartuko dira familia-harreraren dauden adingabeak edo ikasketak egiten ari diren ikastetxearekiko gertutasuna dela medio familia-etxetik kanpo bizi diren seme-alabak.

Deialdi honek helburu hauek ditu:

1.1. Aita, ama edo legezko tutoreen lan-, gizarte- eta familia-bizitza bateragarri egiten laguntzea, honako egoera hauetakoren bat gertatzen bada:

a)- Aukerarik ez edukitzea haurren edo % 33ko edo hortik gorako desgaitasuna dutenen arretaz arduratzeko, haien arduradunen lan-jardunak eragindako egoerak direla eta.

b)- Aukerarik ez edukitzea haurren % 33ko edo hortik gorako desgaitasuna dutenen arretaz arduratzeko, gizarte- eta lan-prestakuntzako edo -sustapeneko jarduerak direla eta,



baldin eta horien helburu nagusia bada aita, ama edo tutoreen enplegarritasun-maila hobetzea, lanpostu bat lortze aldera edo Udalaren gizarte-zerbitzu batekin aldez aurretik adostutako gizarteratzera bideratzeko diseinatu den ibilbide batean aurrera egiteko, haren helburua izanik familia-nukleoen gizarteratzea hobetzea.

1.2. Aita, ama edo legezko tutoreen bizitza familiarra eta pertsonala bateragarri egiten laguntzea, honako egoera hauetakoren bat gertatzen bada:

a)- Pertsona berbera aritzea zaintzen aldi berean hala menpekotasuna duten pertsona helduak edo nagusiak nola adingabeak, eta ez egotea aukerarik ardura horiek autonomia pertsonal nahikoa duen etxeko beste heldu batekin partekatze.

b)- Arrisku- edo babesgabetasun-egoeran egon daitekeen adingabearendako edo % 33ko edo hortik gorako desgaitasuna duten pertsonendako prebentzio- eta babes-baliabide egoki gisa baloratzea. (Egoera horiek Udaleko gizarte-zerbitzuek emandako txostenen bidez zein egoeraren berri duten ikastetxe, osasun-etxe edo bestelako gizarte-zerbitzuek emandakoez dokumentatu beharko dira).

2. Deialdiaren helburua:

Aita, ama edo legezko tutoreen lan-, gizarte- eta familia-bizitza bateragarri egiten laguntzea, familia-, gizarte- eta lan-erantzukizunak bateragarri egiteko.

Gizarte Ekintzako Alorrak badu interesa politika egokiak arbitratzeko 0 eta 12 urte bitarteko haurrak, edo, desgaitasunik izanez gero 16 urte bitartekoak, edo % 33tik gorako desgaitasuna badute 16 urtetik gorakoak, kargura dituzten familia-nukleoen gizarte-, lan- eta familia-bizitza bateragarri egiteko beharra asetzeari dagokionez, eta interes horrek hartaraturik sortu ditu laguntza hauek

3. Diruz laguntzen ahal diren ekintzak, proiektuak, jokamoldeak eta jarduerak egiteko baldintzak eta epeak:

3. Diruz laguntzen ahal diren ekintzak, proiektuak, jokamoldeak eta jarduerak egiteko baldintzak eta epeak:

Neurri hauek hainbat faktore hartuko dituzte kontuan: Haur Eskola publikoen sarean leku nahikorik ez egotea; haurrei arta etxean emateko aukera; laguntza-beharra ikastetxera zein beste baliabide batzuetara egin beharreko joan-etorrietan, edo haurrei, edo, desgaitasunik izanez gero 16 urte bitartekoei, edo % 33tik gorako desgaitasuna badute edonori, adin-mugarik gabe, arta emateko bestelako zerbitzuak erabiltzeko beharra, eskola-ordutegiak eta haien arduradunen lan-ordutegi edo gizarte arloko prestakuntza-jardueren ordutegiak ez direlako bateragarri.

3.1. Deialdi honen ondorioetarako, adingabeak zaintzeko modalitate bakoitzaren ondoriozko gastuak laguntzen ahalko dira diruz. Hona hemen modalitate horiek:

3.1.1.- 0-3 URTEKO HAURRAK ARTATZEA:

A.-Dirulaguntzak haur hezkuntzako eskolak (haurtzaindegia) ordaintzeko:

Xedea da 2025. urtean matrikula eta eguneko egonaldien kostuak ordaintzen laguntzea, betiere egonaldi horiek halako ordutegietan izaki ezen posible egingen baitute familia-, gizarte- eta lan-bizitza bateragarri egitea. Dirulaguntza hauek Haur Eskola Publikoetako leku-esleipenarekiko subsidiarioak dira.

B.- Haurrak etxean artatzea:

Haur Eskolek edo haurtzaindegiek ezin badiote erantzunik eman azaldutako beharrari, haurrak artatzeko



BANAKAKO EBALUAZIOA

laguntzak eman daitezke haur horiek 16 aste dituztenetik Haur Hezkuntzako zikloan 3 urterekin eskolatu arte. Etxeko arta emanen da baldin eta gurasoek edo tutoreek ezin badute egin, lanaldiaren ordutegiarekin edo prestakuntza jasotzeko ordutegiarekin bateraezina dutelako, eta horrek justifikatzen badu arta ezin ematea.

Zerbitzua enpresa espezializatu batek ematen ahalko du, edo familia-nukleoak kontratatutako zaintzaile batek. Udalak haurraren interesaren arabera teknikoki egokiena den baliabidea aukeratuko du, Udaleko Gizarte Zerbitzuen proposamen teknikoarekin bat. Halaber, ezohiko kasuetan baloratu da, baita ere, arta hau bateragarria den haurtzaindegia ordaintzeko dirulaguntzarekin (A letran aurreikusitakoa).

3.1.2.- 3 ETA 12 URTE BITARTEKO HAURRAK ARTATZEA, EDO 16 URTE BITARTEKOAK, DESGAITASUNIK IZANEZ GERO, EDO 16 URTETIK GORAKOAK, % 33TIK GORAKO DESGAITASUNA BADUTE:

A.- Adingabeak edo desgaitasuna duten pertsonak etxean artatzea, honako egoera hauetakoren batean:

- Adingabea edo desgaitasuna duen pertsona goizeko ikasgelara (halakorik bada) edo ikastetxera sartu bitartean, eskola-aldian, edo dagokion bateratze-zerbitzura edo zentro okupazionalera sartu bitartean, oporraldietan. Hala emanen da adingabeen arduradunek goizeko lanaldia dutenean eta, beraz, goizeko lehen orduetan etxean ez daudenean, eta laguntza jasotzeko sare naturalik ez badute. Laguntza emanen da adingabeen arduradun horiek etxetik atera behar dutenetik goizeko ikasgela, eskola, erabiltzen duen zentroa zein bateratze-zerbitzua hasi bitarte.

- Adingabea eskolatik edo arratsaldeko ikasgelatik (halakorik izanez gero) edo dagokion bateratze-zerbitzutik –oporraldietan– edo joaten den zentrotik ateratzen denetik, adingabeen arduradunak etxera iritsi bitartean. Hala emanen da arratsaldeko lanaldia dutenen kasuan, astelehenetik ostiralera, eta laguntza jasotzeko sare naturalik ez badute.

- Asteburu eta jaiegunetan, adingabeen arduradunek lan egiten badute eta, beraz, etxean ez badaude, eta laguntza jasotzeko sare naturalik ez badute.

B.- Goizeko edo arratsaldeko artarako komunitate-zerbitzuak ordaintzeko dirulaguntzak:

Helburua dute 2025. urtean dirulaguntza ematea familia, lana eta gizarte-ardurak bateratzeko baliabide osagarriren bat ordaintzen laguntzeko, ikastetxeek eskaintzen dituzten ordutegiak eta gurasoen edo arduradunen lan-ordutegiak bateraezinak diren kasuetan.

Goizeko ikasgelen baliabidea astelehenetik ostiralera ezartzen da, ikastetxean sartu bitarteko ordutegian.

Arratsaldeko ikasgelen edo horretarako antolatutako zerbitzuen kasuan, astelehenetik ostiralera bitarteko aldietarako ezartzen dira dirulaguntzak, eta beranduenez 21:00ak arteko zerbitzua lagun daiteke diruz. (kendu, prebentzio-taldeak daudelako)

Adingabea egunean 8 orduz baino gehiago familia-nukleoarekin egon gabe egon ez dadin, ezin izanen dira, inolaz ere, jarraian erabili goizeko eta arratsaldeko arta-zerbitzuak.

Baliabide hori erabiltzeko, ezinbesteko baldintza izanen da eskatzaileak laguntza jasotzeko sare naturalik ez edukitzea eta agiriz justifikatzea bere lanaldiak eragindako bateraezintasuna.

Salbuespen gisa, eta beste zerbitzurik erabiltzeko aukerarik ez badago, dirulaguntza adingabeen edo % 33ko desgaitasuna edo handiagoa dutenen etxeko artarako ematea aurreikusiko da (A letran aurreikusitakoa), zerbitzu komunitario horiek ordaintzeko dirulaguntzen osagarri.



3.2. Dirulaguntzak honako irizpide hauekin bat emanen dira adierazitako edozein arta-modalitatetarako:

a) Dirulaguntza jasotzeko aldiak irauten duen bitartean, Udaleko gizarte-zerbitzuek emandako dirulaguntzaren kopurua berraztertuko dute, baldin eta dirulaguntza emateko aintzat hartu zen premia-egoeran funtsezko aldaketarik gertatu bada. Premia-egoera berriari dagokion zenbatekoa C.3 apartatuan ezarritakoarekin bat zehaztuko da.

Aurreko paragrafoan aipatutako aldaketa gauzatze aldera, familia-nukleo eskatzaileak nahitaez joan beharko du Udalaren gizarte-zerbitzuek horretarako ezartzen dituzten hitzorduetara; halaber, gizarte-zerbitzuek familia-nukleoen esku jarri beharko dituzte egoera eguneratzeko eskatutako elkarrietzak oro.

Kasu horretan, Udalaren kasuan kasuko gizarte-zerbitzuak berrikuspen-txostena (IV. eranskina) igorriko dio Gizarte Ekintzako Alorrari balorazioa egin dezan.

Laguntza eman bada enplegua era aktiboan bilatzeko, aldi bakar batean jasoko da, gehienez ere 6 hilabetez. Hala ere, emakida berritzea baimenduko da deialdi honetako B) 1 apartatuan jasotako egoeraren bat gertatzen bada.

b) Haurren babesgabetasun edo arrisku egoeretan, kasuaz arduratzen den profesionalak aurrez eskatzailearekin adostuta ezarri dituen helburuak noiz lortu eta horren arabera doituko da dirulaguntza jasotzeko hasierako epea. Dirulaguntza ematen jarraitzeko, profesional horrek beharrezko jotzen dituen berrikuspen eta jarraipenak eginen ditu, ezarritako helburuen betetze-maila eta deialdi honen bidez finantzatzen den zerbitzua mantentzeko egokitasuna baloratze aldera.

c) Baliabidearen helburua enplegua era aktiboan bilatzea bada, laguntza gehienez ere zeregin horretan egunean 4 orduz aritzeko emanen da.

d) Gizarteratzera eta laneratzera bideratutako prestakuntza-beharrak asetzea xede duten dirulaguntzak eskatzailea egiten ari den ikastaroaren edo prestakuntza- edo okupazio-jardueraren ordutegiaren arabera izanen dira, eta aukera izanen da ordutegi hori ordu erdiz luzatzeko bai ikastaroaren aurretik bai ondoren.

e) Familia eta lana bateragarri egitera zuzendutako dirulaguntzez bezainbatean, emandako zerbitzuaren ordutegia (haurtzaindegia, etxez etxeko arreta...) lanaren ordutegira egokituko da.

f) Oro har, haurrak ez dira zortzi ordu baino gehiagoz egonen haur-eskolan.

g) Deialdi honetan aurreikusitako dirulaguntzak jaso ahal izateko, familia-nukleoek % 33ko edo gehiagoko desgaitasun-maila dutela egiaztatu beharko dute. Dirulaguntza hau bermatuta izaten ahal dituzten beste batzuekiko zein beste erakunde edo entitate batzuek ematen ahal dituztenekiko subsidiarioa da.

h) Adingabea etxean artatu behar den kasuetan, 07:00etatik 22:30era egiten ahalko da, astelehenetik igandera. Salbuespen gisa, eta beste aukerarik ez badago, aurreko denbora-tartean sartzen ez diren egoerak kontuan hartuko dira, betiere behar bezala justifikaturik badaude. Edonola ere, eta arau orokor gisa, adingabeen arduradunen lan-ordutegian bakarrik onartuko dira salbuespen horiek.

i) Deialdi honetan zehaztutako dirulaguntzak jasotzeko ez da bakarrik C.3. apartatuan ezarritako baremo ekonomikoa kontuan hartuko; hortaz, prebentzio, egokiera, premia edo antzeko irizpide teknikoak kontuan hartuta ematen ahalko dira. Irizpide horiek aldi berean ematen diren kasuan kasuko udal-teknikariak behar bezala justifikatu beharko dute, deialdi honen xede eta baldintzetan ezarritakoarekin bat. Egoera berezi horiek behar bezala justifikatu beharko dira txosten tekniko baten bidez, non familiaren egoera azaldu beharko baita, eta eskatutako baliabidearen egokitasuna justifikatu, eskatzailearekin eta haren familia-nukleoarekin garatzen ari den esku-hartze plana oinarri hartuta.



j) Dirulaguntza ukatuko da, baldin eta eskatzaileek ez badituzte betetzen deialdi honen B) apartatuko 1. eta 3. zenbakietan eta D.1) apartatuan jasotako betekizunak. Halaber, dirulaguntza ukatuko da eskatutako agiriak aurkezten ez badira eta B.4) apartatuan jasotako balorazio-irizpide eta -moduetara egokitzen ez badira.

k) Familia-nukleoek jasotzen ahal dituzten dirulaguntzek atzeraeraginezko ondorioa izaten ahalko dute, 2025eko urtarilaren 1etik, deialdia onetsi ondoren eta NAO-n argitaratu eta hurrengo hamabost eguneko epean aurkezten diren eskabideen kasuan. Gainerako kasuetan, dirulaguntza jasotzeko eskubidea agiri guztiak aurkezten diren egunetik aurrera aitortuko da.

Era berean, eta salbuespen gisa, dirua aurreratzeko aukera aztertzen ahalko da, talde teknikoak aurrez balorazioa eginda.

Deialdi hau 2025. urte osoan egonen da indarrean.

Aurrekoa gorabehera, 2024an aurkeztutako eskabideen ordainketa deialdi honen aurrekontu-partidaren kontura eginen da, aldeko balorazioa izanik 2024ko hileko ordainketaren bati dagokion dirulaguntza jaso ez badute.

Lehen aipatutako deialdiaren indarraldia gorabehera, 2025eko azaroaren 30etik aurrera eta 2025eko abenduaren 31 baino lehen aurkeztutako eskabideak 2026ko aurrekontuaren kargura eta 2026ko ekitaldiko deialdian ezarritako irizpideekin bat tramitatuko dira (betiere beste deialdi bat onartzen bada eta, beraz, krediturik badago hurrengo aurrekontuan).

4. Baloratzeko betekizunak, bideak eta lehentasunak:

☒ BAI ☐ EZ

Dirulaguntzak emanen dira deialdi honetan onuradun izateko ezarritako betekizunak betetzen dituzten eskaerak aurkeztu ahala, eta, betiere, eskaerari erantzuteko aurrekontu-kontsignazioa egon bitartean. Jaso beharreko zenbatekoa familia-unitatearen diru-sarreraren eta ondarearen arabera zedarrituko da, familia-unitatearen errenta-mailaren arabera, betiere deialdian ezarritako muga gainditzen ez badu.

1.- Babesgabetasun-egoeran diren adingabeak.

2.- Haurraren gurasoak, legezko tutoreak edo arduradunak lanean hastea. Ezin izanen dute laguntzarik jaso bi gurasoak langabezian dituzten familia-unitateek, salbu eta haietako bat adingabeaz modu egokian arduratzea ekiditen dion egoeraren batean badago; egoera hori agiriaren bidez justifikatu beharko da.

3.- Gurasoak, legezko tutoreak edo arduradunak lana lortzeko prestakuntza-programetan edo gizarteratze-ibilbideetan sartzea.

4.- Eskaera bat etortzea deialdi honen B.3) apartatuan xedatutakoarekin.

C. AURREKONTU-KREDITUAK, DIRULAGUNTZEN GEHIENEO ZENBATEKO OSOA ETA BANAKAKO ZENBATEKOA:

1. Deialdian gehienez ezarritako zenbateko osoa: 50.000 €

Atal honen amaieran adierazitakoa ezertan galarazi gabe, aurrekontu-kontsignazioa 2025ean agortzen bada eta Gizarte Ekintzako Alorrean aurten aurreikusitako beste jardueretako batzuk ez badira gauzatu, jarduera horietarako aurreikusitako zenbatekoak deialdi honetan erabiltzen ahalko dira, baina horrek ez du berez ekarriko beste deialdi bat egitea. Kredituaren gehikuntza horren onuradun izaten ahalko dira eskaera



BANAKAKO EBALUAZIOA

deialdi honekin bat eta eskabideak aurkezteko epean egin duten eskatzaileak, baldin eta laguntzarik jaso gabe gelditu badira kreditua agortzearen ondorioz.

Dirulaguntzek ezin izanen dute gainditu deialdi honetan ezarritako zenbatekoa.

2. Aurrekontu-partida: 70/23181/480000

3. Banakako gehieneko zenbatekoa eta hori zehazteko irizpideak: Jasoko den dirulaguntzaren zenbatekoa jarraian adierazitako tarte bakoitzari dagokion ehunekoak ezarriko du. Tarte batean edo bestean sartzeko, familia-nukleoaren urteko diru-sarrerak hartuko dira kontuan, Q.1) apartatuan ere ezarritakoarekin bat. Diruz lagundutako ehunekoa zerbitzuaren kostuaren gainean eta/edo diruz laguntzen ahal den gehieneko zenbatekoaren gainean ezarriko da.

1. tarte: % 90eko dirulaguntza

2. tarte: % 70eko dirulaguntza

3. tarte: % 40ko dirulaguntza

4. tarte: % 25eko dirulaguntza

2., 3. eta 4. tarteetan % 10eko igoera jasotzen da familia ugariendako.

FAMILIA-NUKLEOAREN URTEKO GEHIENKO DIRU-SARRERAK

KIDE BAT LANEAN BADAGO

BI KIDE LANEAN BADAUDE

1. TARTEA: 11.250etik 14.813ra

11.250etik 19.750era

2. TARTEA: 14.814tik 17.438ra

19.751etik 23.250era

3. TARTEA: 17.439tik 19.313ra

23.251etik 25.750era

4. TARTEA: 19.314tik 24.000ra

25.751etik 32.250era

Deialdi honetan jasotako etxez etxeko laguntza-kasu guztietarako ezartzen da dirulaguntza familia-nukleoari dagokion portzentajea aplikatuz kalkulatu dela goian ezarritako baremoaren arabera eta 450 euro hileko gehieneko zenbatekoaren gainean.

Familia-nukleo bereko bi anai-arrebak edo gehiagok dirulaguntza behar badute B.3.1.1.A) apartatuan (HAURTZAINDEGIAK ORDAINTZEKO LAGUNTZAK) jasotako kontzeptuarengatik, familia-nukleo horri dagokion errenta-tartearen aurreko tartearen laguntza-ehunekoa aplikatuko zaio.

4. Urte anitzeko deialdia: ☐ BAI ☒ EZ

Urte anitzeko deialdia izanez gero, urte anitzeko gastuetarako baimena eta konpromisoa dagokien aurrekontuetan ekitaldi bakoitzerako ezartzen den kredituaren menpe egonen dira.

5. Urtekoak:

Urteko arrunta: 50.000 €

2. urtekoa: €

4. urtekoa () €

1. urtekoa () €

3. urtekoa () €

D. PERTSONA EDO ENTITATE ONURADUNA IZATEKO BETE BEHARREKO BETEKIZUNAK:

1. Pertsona edo entitate onuraduna izateko bete beharreko betekizunak:

Dirulaguntza ematea zertan oinarritzen den eta egoera horretan dauden pertsonak edo entitateak izan daitezke onuradun, baldin eta ondoren aurreikusten diren inguruabarretan badaude, eta betiere Dirulaguntzei buruzko Ordenantza Orokorren 10. artikuluan ezartzen diren ezein debeku-ziok ukitzen ez baditu, salbu deialdiaren izaera kontuan izanik azken baldintza horren salbuespena egiten bada eta apartatu honetan hala egin dela adierazten bada.

Berriazko betekizunak: ☒ BAI ☐ EZ

1.- Iruñeko egiazko auzokidea izatea eta bertan erroldatuta egotea (eskatzaileak zein onuradunak), gutxienez 6 hilabeteko antzinatasunaz eta dirulaguntza jasotzen den bitartean. Antzinatasunaren betekizunetik salbuetsita izanen dira deialdi honetan B.4) apartatuaren 1. irizpidean jasotako kasuak



BANAKAKO EBALUAZIOA

(arrisku- edo babesgabetasun-egoera) eta familia berrelkartzeen kasuetan dauden adingabeen kasuak (kasu horietan ez da kontuan hartuko erroldatutako gutxieneko eperik).

2.- 12 urte bitarteko haurren guraso edo legezko tutore izatea, edo 16 urte bitartekoena, haurrek % 33ko desgaitasuna edo handiagoa badute, edo 16 urtetik gorakoena, % 33tik gorako desgaitasuna badute.

3.- Deialdi honetan ezarritakoak baino bitarteko ekonomiko altuagoak ez izatea, ezta egoerari aurre egiteko familia-laguntzarik ere.

4.- Eskaera ukatuko zaie familiei familia-ondarearen kapital higigarriak (kontu korronteko gordailuak edo eperakoak, akzioak, inbertsio- eta pentsio-funtsak, balore higigarriak, bizitza-aseguruak erreskate kasuan...) 7.000 euro baino gehiago eta kapital higiezinak (landakoak zein hirikoak diren ondasun higiezinak) 20.000 euro baino gehiago jotzen duenean. Higiezin horiek katastro-balioaren arabera baloratuko dira. Hortik kanpo gelditzen dira ohiko etxebizitza eta horri atxikitakoak, bertako altzariak, etxeko hornidurak eta ohiko joan-etorrietarako ibilgailua; horrek guztiak batuta gehienez ere 300.000 euro joko du.

5.- Udalaren gizarte-zerbitzuek eskatutako agiriak aurkeztea.

6.- B.3.1.1.A letran jasotako dirulaguntzaren familia-nukleo onuradunek ikaspostu-eskaera egin beharko dute Haur Eskola Publiko batean horretarako urtero ezarritako epean. Sare publikoan lekurik ez eskatzeak edo hari uko egiteak berekin ekarriko du eskaerari ezetza ematea edo laguntza hauek jasotzeari uztea.

7.- Adingabeari arta ematea eragozten duen jarduera bat egitea, norberaren edo besteren kontura.

8.- Adingabearen gurasoak, legezko tutoreak edo arduradunak lana lortzeko prestakuntza-programetan edo gizarteratze-ibilbideetan sartzea.

9.- Salbuespenek deialdi honen xede eta baldintzak errespetatu beharko dituzte, eta txosten tekniko baten bidez jasoko dira; esaterako, babesgabetasun-egoeran dauden adingabeen kasuak edo pertsona bakar batek menpekotasuna duen heldu edo adineko bat eta adingabe bat aldi berean zaindu behar izatekoak, zaintza partekatzeke aukerarik gabe.

Dirulaguntza berezia denez, pertsona edo entitate onuradunek ez daukate zertan egiaztatu Dirulaguntzei buruzko Ordenantza Orokorraren 10.2 artikuluan araututako betekizunak betetzen dituztela:

☒ BAI ☐ EZ

2. Nola egiaztatu pertsona edo entitate onuradun izateko betekizunak betetzen direla: Deialdi honen G.4) apartatuan eskatzen diren agiriak eta informazioa aurkeztuta, dirulaguntzaren eskabidearekin batera.

E. PERTSONA EDO ENTITATE ONURADUNEN BETEBEHARRAK:



Deialdi honen ondorioetarako, pertsona edo entitate onuradunen betebeharrak dira Dirulaguntzei buruzko Ordenantza Orokorraren 11. artikuluan eta apartatu honetan ezartzen direnak.

Berariazko betebeharrak:

☒ BAI ☐ EZ

a) Erreferentziazko langile teknikariekin adostutako jarduera edo egitekoak gauzatzea, dirulaguntza honen eskaeraren oinarri den egoera zuzentzeko helburuz.

b) Organo emailearen aurrean justifikatzea Dirulaguntzei buruzko Ordenantza Orokorraren 11.1 artikuluko b letrak adierazitakoa (baldintzak eta betekizunak bete direla, bai eta jarduera egin dela eta dirulaguntza zertarako den eta helburu hori ere bete dela), Iruñeko Udaleko Gizarte Ekintzako Alorreko erreferentziazko Auzo Unitatearen, Programaren edo Zerbitzuaren bidez.

c) Men egitea organo emaileak egin beharreko eta Ordenantzaren 11.1 artikuluko c letrak adierazitako egiaztapen-jarduketei, betiere jarduketa horien ondorioz eskatzen dizkieten argibideak oro eman beharko dituztelarik, halakoak udal-agiritegietan jasota egon ezean. Udalaren erreferentziazko gizarte-zerbitzuaren bidez egingen da.

d) Diruz lagundutako jarduerak finantzatzeko beste dirulaguntza, laguntza, diru-sarrera edo baliabiderik lortuz gero, horren berri ematea organo emaileari, Ordenantzaren 11.1 artikuluko d letrak adierazi bezala. Erreferentziazko gizarte zerbitzuaren bidez egingen da.

e) Familia-nukleoek auzo-unitateei edo arreta ematen duten Gizarte Ekintzako Alorraren programaren arduradunei jakinarazi behar dizkiete beren egoera sozioekonomikoan izan diren aldaketak oro, jasotzen duten dirulaguntzaren zenbatekoa eta, hala badagokio, jasotzeko epea aldatzeko.

Iruñeko Udalaren edo haren erakunde autonomoen dirulaguntzak jasotzen dituzten entitateek behar bezalako publizitatea egin beharko dute dirulaguntzaren xede diren jarduerak edo proiektuak Udalak emandako finantzaketa publikoaren bidez egin direla hedatzeko. Horretarako:

- Udalaren logotipoa txertatu beharko da komunikazio- edo publizitate-idatzi eta -grafikoetan (liburuxka, kartel, katalogo, webgune, prentsa-iragarki, publizitate digital, telebista eta abarretan), baita legenda hau ere: "Iruñeko Udalaren laguntzarekin – Con la colaboración del Ayuntamiento de Pamplona". Udalaren logotipoa dirulaguntza jaso duen entitatearenak duen tamaina berekoa izanen da gutxienez.
- Irratian eta beste komunikabide ez-grafikoetan egiten den komunikazio edo publizitatean lokuzio hau txertatu beharko da: "[Jarduera / Proiektu] hau Iruñeko Udalaren laguntzarekin egin da".
- Promozio- edo publizitate-oparietan eta dirulaguntzak finantzatutako beste edozein gauza edo produktutan Iruñeko Udalaren logotipoa duen etiketa bat jarri beharko da.

Betebehar hau ez bada betetzen, dirulaguntza itzuli beharko da.

Dirulaguntza zehazki zer xedetarako eman den, horretan erabiltzeko betebeharra, Dirulaguntzei buruzko Ordenantza Orokorraren 29.4 artikuluekin bat: ☐ BAI ☒ EZ

Xede-epea:



F. PROIEKTUAREN ALDAKETAK:

Proiektuan aldaketak egiteko aukera:

☐ BAI ☒ EZ

G. ESKABIDEAK NON ETA NOIZ ARTE AURKEZTU:

1. Eskabideak non aurkeztu:

Dirulaguntza-eskaerak honako toki hauetan aurkezten ahalko dira, dagokion udal-zerbitzuak aurrez baloratu ondoren: Iruñeko Udaleko Erregistro Orokorrean (Kondestablearen jauregia - Kale Nagusia 2, behe), erregistro osagarrietan, edo, bestela, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikuluan ezarritako beste edozeinetan.

2. Eskabideak aurkezteko epea: Eskabideak aurkezteko epea deialdia NAOn noiz argitaratu eta hurrengo egunean hasiko da, eta deialdiaren indarraldi osoa hartuko du (2025. urtea hartzen du, B.3 apartatuan ezarritako baldintzekin bat, 2025eko azaroaren 30etik aurrera aurkezten diren eskabideei dagokienez).

Aipatutako epetik at aurkeztutako eskabideak ez dira onartuko.

3. Eskabideak eta agiriak nola aurkeztu:

Laguntza hau eskatzeko, eskabide bat aurkeztu beharko da interesdunak berak sinatuta edo zuzenbidean baliodun den edozein bide baliatuta ordezkari dela egiaztatzen duen pertsona batek sinatuta, deialdi honen I. eranskineko ereduarekin bat. Eskabidearekin batera, deialdi honen G.4 apartatuan aipatzen diren agiriak eta argibideak aurkeztuko dira.

Eskaera batek ez baditu betetzen deialdi honetan ezarritako betekizunak, interesdunari eskatuko zaio gehienez ere hamar eguneko epe luzaezinean hutsa zuzendu dezala edo nahitaezko agiriak aurkez ditzala, eta ohartaraziko zaio hala egin ezean ulertuko dela eskaera bertan behera utzi duela, betiere aldez aurretik ebazpena emanen delarik, urriaren 1eko Administrazio Publikoen Administrazio Prozedura Erkidearen 39/2015 Legearen 21. artikulua aurreikusitakoarekin bat.

Baldin eta galdatutako agiriak Iruñeko Udalaren edo haren mendeko erakunde autonomoen eskuetan badaude, haien ordezkariaren erantzukizunpeko adierazpena aurkezten ahalko da indarrean direla egiaztatzeko, bertan adierazita noiz eta zein organo edo bulegotan aurkeztu ziren edo, hala badagokio, nork eman zituen edo non dauden jasota, betiere ez badira bost urte baino gehiago pasatu agiriei dagokien prozedura amaitu zenetik.

Dirulaguntza jasotzeko eskabidea aurkezteak berekin dakar deialdi honen oinarriak oso-osorik onartzea.

4. Eskabidearekin batera aurkeztu beharreko agiriak:

Interesdunek agiri hauek aurkeztu beharko dituzte:

a) Eskatzailearen nortasuna egiaztatzen duen agiria, eta, halakorik balitz, haren izenean ari den ordezkariaren nortasuna egiaztatzekoa.

Hauraren guraso edo legezko tutorearen NANA edo AIZA.

b) Erantzukizunpeko adierazpena, deialdi honen II. eranskina eredu hartuta, ziurtatzen duena eskatzaileak betetzen dituela onuradun izateko Dirulaguntzei buruzko Ordenantza Orokorrak eskatzen dituen betekizun orokorrak eta deialdi honek eskatzen dituen berariazkoak, eta ez diola ezein debeku-ziok eragiten Dirulaguntzei buruzko Ordenantza Orokorren 10. artikuluan aipatzen direnetatik.



c) Agiri hauek, eskatzaileak zergei eta Gizarte Segurantzari buruzko betebeharrak eguneratuak dituela egiaztatzeko:

☐ Administrazio eskudunek emandako ziurtagiriak.

☐ Eskatzailearen erantzukizunpeko adierazpena, aipatu betebeharrak eguneratuak dituela ziurtatzeko. Hala bada, dirulaguntza emateko ebazpen-proposamena egin aurretik, interesdunari eskatu beharko zaio gehienez ere 15 eguneko epean aurkeztu ditzala adierazpenean jasotako datuak egiazkoak direla ziurtatzen duten agiriak (administrazio eskudunek emanak).

Udalak ofizioz egiaztatuko du interesdunak egunean dituela administrazio horrekin dituen tributu-betebeharrak, eta dagokion eginbidearen bitartez adieraziko du egiaztapen hori.

d) Eskatzailea nortasun juridikorik gabeko pertsona fisiko edo juridikoen elkarteren bat bada –publikoa zein pribatua–, eskabidean berariaz adierazi beharko da elkarteko kide bakoitzak zer egiteko konpromisoa hartu duen eta zenbateko dirulaguntza aplikatuko den kide bakoitzeko. Kideok ere onuraduntzat joko dira. Nolanahi ere, elkarteren ordezkari edo ahaldun bakar bat izendatu beharko da, eta behar beste ahalorde emanen zaizkio elkarrekin onuradun gisa dituen betebeharrak bete ditzan.

e) Adierazpen batean bildu beharko dira beste administrazio, entitate edo pertsona publiko edo pribatu batzuei helburu bera lortzeko eskatutako edo haiengandik jasotako dirulaguntzak, eta entitate emaileen izenak, eskatutako kopuruak eta jasotako zenbatekoak zehaztu beharko dira. (Ikusi, behar izanez gero, deialdi honen III. eranskina). ☐ BAI ☒ EZ

f) Memoria: eskatzen den dirulaguntzari lotutako proiektu, ekintza, jarduera edo programa deskribatu behar du.

g) Elkarbizitza-unitateko kideen Pertsona Fisikoen Errentaren gaineko Zergaren azken aitortpena, datu fiskalen orria barne. Aitorpen hori egiteko betebeharra ez badute, betebeharrak hori ez dutela adierazten duen egiaztapen aurkeztu beharko dute –Foru Ogasunak emana–, datu fiskalak txertatuta.

h) Familiaren diru-sarreraren frogagiriak (azken 3 nominak, Estatuko Enplegu Zerbitzu Publikoaren prestazioak, pentsioak eta diru-sarreraren gaineko erantzukizunpeko adierazpena, bai eta eskatzailearen familia-nukleoaren ahalmen ekonomikoa egiaztatzen lagungarri izan daitezkeen intereseko agiri guztiak).

i) Etxebizitzaren alokairua edo hipoteka ordaindu izanaren azken hiru egiaztapenak.

j) Desgaitasun-mailaren ziurtagiria, desgaitasuna dutenen kasuan.

k) Banantze/dibortzio kasuetan edo izatezko bikotea desegin bada, sententziaren eta seme-alaba bakoitzeko hartu beharreko neurriak arautzen dituen hitzarmenaren kopia aurkeztu beharko dira, edo, hala badagokio, hori tramitzatzeko jarduketak abiarazi izanaren egiaztapenak.
Mantenu-pentsioa ez bada ordaintzen ari, epaitegian epaia betearazteko aurkeztutako eskaeraren kopia edo jarduketak abiarazi izanaren egiaztapenak.

l) Dagokion auzo-unitateak emandako txosten soziala.

m) Transferentzia bidez ordaintzeko eskabidea. Iruñeko Udalaren jatorrizkoa

n) Baimendutako ordainketa-lagapena.

ñ) Teknikari arduradunek kasuaren espezifikotasunarekin bat egoki jotzen dituzten bestelako agiriak.



BANAKAKO EBALUAZIOA

Dirulaguntza jasotzeko eskaera aurkezteak berekin dakar Iruñeko Udalak baimena duela ofizioz egiaztatzeko familia-nukleo eskatzailea Iruñean erroldaturik dagoela.

Agiriek jatorrizkoak izan behar dute, edo horien kopia konpultsatuak, edo, bestela, indarreko legeekin bat benetakoak diren kopiak.

H. PROZEDURAREN INSTRUKZIOA ETA EBAZPENA. EBAZPENAREN JAKINARAZPENA:

1. Prozeduraren instrukzioa: Espedienteak jaso ahala tramitatu eta ebatziko dira, horretarako aurrekontu-kreditua dagoen bitartean, betiere deialdi honen B.4 apartatuan zehaztutako betekizunen, moduen eta balorazio-lehentasunen arabera. Instrukzio-organoak emanen du ebazpen-proposamena, behar bezala arrazoiturik eta espedienteak kontuan harturik, eta ebazteko eskumena duen organoari helaraziko dio.

Ebazpen-proposamena emanen da Udal Dirulaguntzen Programen txostena ikusita.

2. Ebazteko eta jakinarazteko epea: Ebatzi eta jakinarazteko epea sei hilabetekoa izanen da, gehienez ere.

Ebazpena Gizarte Ekintzako Alorrak jakinaraziko dio eskaera bideratu duen udal-zerbitzuari eta familia-nukleoari, eta bertan jasoko da ordu-kopurua, zenbatekoa eta dirulaguntzaren amaiera-data. Familia-nukleoaren erreferentziazko gizarte-zerbitzua arduratuko da familia-nukleoaren garapenaren jarraipena egiteaz. Eraginkortasuna bermatzeko, zerbitzu hori arduratuko da baja jakinarazteaz hala dirulaguntza honen balorazioaz arduratzen den teknikariari nola dagokion zerbitzuari.

Dirulaguntzak emateko ebazpenak arrazoitua izan beharko du, eta bertan berariaz zehaztuko dira honako hauek: dirulaguntza jasoko duten pertsona edo entitate eskatzaileak, laguntzaren zenbatekoa eta, eskaerak ezetsirik izanez gero, haien eskatzaileak diren pertsonak edo entitateak.

Dirulaguntzak emateko ebazpenak amaiera emanen dio administrazio-bideari, eta pertsona edo entitate eskatzaileei jakinaraziko zaie, urriaren 1eko Administrazio Publikoen Administrazio Prozedura Erkidearen 39/2015 Legearen 40. artikuluan agindutakoarekin bat.

3. Ebazteko eta jakinarazteko gehieneko epearen hasiera-data:

- Deialdiaren laburpena Nafarroako Aldizkari Ofizialean argitara ematen den eguna: ☐ BAI ☒ EZ
- Tramitatzeko eskumena duen organoaren erregistroan eskabidea sartu den eguna: ☒ BAI ☐ EZ
- ☐ Epea kontatzeko beste sistema bat:

Prozedura ebazteko gehieneko epea amaituta, berariazko ebazpenik eman ez bada, eskaera ezetsitzat joko da.

I. EMANDAKO DIRULAGUNTZEN PUBLIKOTASUNA:

Dirulaguntzak emateko ebazpena argitaratzeko beharra: ☐ BAI ☒ EZ

Dirulaguntzei buruzko Ordenantza Orokorraren 18.1. b) artikuluan ezarritakoarekin bat, ez da argitaratu behar dirulaguntzak emateko ebazpena.

Aurrekoa gorabehera, azaroaren 17ko Dirulaguntzei buruzko 38/2003 Lege Orokorraren 18.2. artikuluan adierazitakoarekin bat, Udalak Dirulaguntzen Datu-base nazionalera igorriko ditu argibideak, aipatu legearen 20. artikulua ezartzen dituen baldintzekin bat emandako dirulaguntzen gaineko ebazpenei buruz.



J. DIRUZ LAGUNTZEN AHAL DIREN GASTUAK:

1. Diruz laguntzen ahal diren gastuen zehaztapena:

Diruz laguntzen ahal diren gastutzat joko dira diruz lagundutako jarduerarekin ezbairik gabe bat datozenak, baldin eta behar-beharrezkoak izan eta deialdi honen J.2) apartatuan ezarritako epean egiten badira. Zehazki, deialdi honen ondorioetarako, honako gastu hauek diruz laguntzen ahalko dira:

Deialdi honen B.3 apartatuan deskribatutako egoeretatik eratorritakoak.

"Dirulaguntzak haurtzaindegia ordaintzeko" modalitatean, "0-3 urteko adingabeak artatzeko", diruz laguntzeko moduko gastutzat joko dira matrikularen ordainketa eta haurtzaindegien eguneko egonaldiaren kostua.

Diruz laguntzen ahal diren gastuetan, kostua ezin izanen da inolaz ere izan merkatuko balioa baino handiagoa.

Egindako gastutzat joko dira deialdi honen J.2) apartatuan ezarritako justifikazio-aldia amaitu baino lehen benetan ordaindutakoak: ☐ BAI ☒ EZ

Honako gastu hauek ez dira inoiz ere diruz lagunduko:

2. Diruz laguntzen ahal diren gastuak egiteko epea: *Deialdi honen B.3) apartatuan adierazitakoa.*

K. AZPIKONTRATAZIOA:

Jarduera osorik edo zati batean hirugarrenak egitea hitzartzeko aukera, Dirulaguntzei buruzko Ordenantza Orokorraren 30. artikuluan ezarritakoarekin bat:

☐ BAI ☒ EZ

Ehunekoa:

L. DIRUZ LAGUNDUTAKO JARDUEREN FINANTZAKETA:

Pertsona edo entitate onuradunek diruz lagundutako jarduerak finantzatu beharko dituzte, beren ekarpenen edo beste bide batzuen bitartez, letra honetan zehaztutako zenbateko edo ehunekoan. Finantzaketa horren zenbatekoa, jatorria eta dirulaguntzaren xedea den jarduerari aplikatzeko era justifikatu beharko da:

☒ BAI ☐ EZ

Zenbatekoa edo ehunekoa:

M. DIRUZ LAGUNDUTAKO JARDUERAREN BATERAGARRITASUNA ETA BATERAEZINTASUNA:

Udalaren dirulaguntza jasotzea ☒ BATERAGARRIA ☐ BATERAEZINA da helburu bererako beste dirulaguntza, laguntza, diru-sarrera edo baliabide batzuk jasotzearekin, kontuan hartu gabe zer administrazio, entitate edo pertsonak eman dituen laguntza horiek.

Aurrekoa gorabehera, etxex etxeko laguntzarako dirulaguntzak bateraezinak izanen dira planteatutako beharrei erantzuna ematen ahalko dien zerbitzu komunitario bat egotearekin.

Dirulaguntzaren zenbatekoa ez da inola ere izanen, berez edo beste dirulaguntza, laguntza, diru-sarrera edo baliabideak gehituta, diruz lagundutako jardueraren kostua baino handiagoa. Halakorik gertatzen bada, bidekoa izanen da kostuaren gainetik lortutako soberakina itzularaztea, bai eta dagozkion berandutze-interesak eskatzea ere.



Diruz lagundutako jarduerak finantzatzeko beste dirulaguntza, laguntza, diru-sarrera edo baliabiderik eskatu edo lortuz gero, pertsona edo entitate onuradunak horren berri eman beharko dio organo emaileari. Jakinarazpen hori bestelako laguntza horiek lortu direla jakin bezain laster egin behar da, eta, betiere, jasotako funtsei emandako aplikazioa justifikatu baino lehen.

N. ORDAINKETA:

1. Nola ordaindu: Dirulaguntzak modalitate honen arabera ordainduko dira:

☒ Diruz lagundutako ekintzak, proiektuak, jarrerak edo jarduerak justifikatu ondorengo ordainketa.

Dirulaguntzaren ordainketa egingen da behin haurtzaindegiak edo onuradunak haurra eskolara joan izana edo etxean artatu izana justifikatu eta gero.

Laguntzak honako prozedura honekin bat ordainduko dira:

Kasuan kasuko zentroak edo zerbitzuak faktura bat aurkeztuko dio Iruñeko Udalari hilabete horretan artatutako pertsonen izenean. Behin Udal Dirulaguntzen Programak oniritzia eman eta gero, haurtzaindegiari ordainduko zaio familia-nukleoari emandako dirulaguntza.

- Arta etxean ematen den kasuetan, joan-etorrietarako laguntzetan eta goiz zein arratsaldeko ikasgelen kasuan ordaindu beharreko dirulaguntzak familia-nukleoei zuzenean ordainduko zaizkie horiek aldeztatik dagoen faktura xehatua aurkeztuta (indarrean den araudiarekin bat jaulkita), edo, etxeko lanetako zerbitzurako kontratatutako pertsona fisikoaren kasuan, langilearen lan-kontratua aurrez aurkeztu beharko da (kontratuan adierazi behar dira soldata eta lanaldiaren zein kontratuaren iraupena, eta gainera langilea Gizarte Segurantzaren alta eman izanaren agiria aurkeztu beharko da).

Talde teknikoaren balorazio eta ebaluazio bidezko ordainketa aurreratuak ere kontuan hartuko dira, baita Guraso Elkarteek edo beste elkarte batzuek zuzenean ordainketak egiteko aukera ere, haiekin eskuratzen diren betebeharrak behar bezala betetzeko beharrezkotzat jotzen denean.

Aurrekoa gorabehera, eta izapidetze administratibo egokia errazteko, abenduan ordainketa aldeztatik aurretik egingen da, baina haurtzaindegiak edo onuradunak 2026ko urtarrilaren 10a baino lehen aurkeztu beharko dituzte aldi horri dagozkion justifikazio-agiriak. Behin justifikazio-agiriak aztertuta, deialdi honen teknikari arduradunak txostena egingen du abenduko ordainketaren zuzentasunari buruz, eta haurra haurtzaindegira ez bada joan edo etxean arta jaso ez badu aurreikusitako moduan, dirulaguntzaren dagozkion partea itzuli beharko du onuradunak.

2024ko deialdian onuradun izanik 2024ko hileko ordainketaren bati dagozkion dirulaguntza jaso ez dutenei dirulaguntza honen kargura ordainduko zaie.

Dirulaguntzarako eskaera aurkeztea baimen askietsia da Udalak kasuan kasuko zentroari edo zerbitzuari ordainketa-betebeharraren aitortpena jakinarazteko, halako moduz non behin eskaeren gainean ebatzi eta onuradunak behar bezala zerbitzua jaso eta gero, haiei zuzenean ordainduko baitie familia-nukleoei emandako dirulaguntza.



BANAKAKO EBALUAZIOA

☐ Konturako ordainketa:

☐ Ordainketa zatikatua:

☐ Ordainketa aurreratua:

☐ Ordainketa mistoa, ordainketa zatikatuaren eta aurreratuaren artekoa:

Dirulaguntzak ezin izanen zaizkie ordaindu pertsona edo entitate onuradunei, ez badituzte eguneraturik tributu-betebeharrak zein Gizarte Segurantzarekikoak, edo diru-itzulketa bidezkoa dela xedatu duen ebazpen batek zorduntzat jotzen baditu.

Aurrekoa gorabehera, Dirulaguntzei buruzko Ordenantza Orokorraren 33.4 artikuluan xedatutakoarekin bat, Iruñeko Udalak ofizioz kitatzen ahalko ditu dirulaguntzen onuradunekin kobratzeke dituen zorrak, emandako dirulaguntzaren edo horren parte baten bidez haiek berdinduta.

2. Bermeak eratzea:

☐ BAI ☒ EZ

Eratzeko modua eta zenbatekoa:

Ñ. JUSTIFIKAZIOA:

1. Justifikatzeko modalitatea: Modalitate hau erabiliko da ezarritako baldintzak eta dirulaguntzaren helburuak bete direla justifikatzeko:

☐ Justifikazio-kontua:

☐ Justifikazio-kontua, gastuen ziurtagiria aurkeztuta (Ordenantzaren 35. artikuluan ezarritako aginduekin bat).

☐ Justifikazio-kontua, kontu-ikuskaritzaren txostena aurkeztuta:

Bestelako edukirik: ☐ BAI ☐ EZ

☐ Justifikazio-kontu erraztua:

☐ Gastuaren egiaztapena moduluka (Dirulaguntzei buruzko Ordenantza Orokorraren 37. artikuluan ezarritako aginduekin bat):

Zehaztu beharrekoak:

Modulua osatuko duten unitateak:

Moduluaren unitate-kostua:

Gainerako inguruabarrak:

☐ Kontabilitate-orriak aurkeztea:

Pertsona edo entitate onuradunak ziurtagiri bat aurkeztu beharko du egiaztatzeko aurkeztutako kontabilitate-orriak ofizialak direla, eta entitateko organo eskudunak behar bezala onetsi dituela.

☒ Beste sistema bat:

Kasuan kasuko zentroak edo zerbitzuak faktura bat aurkeztuko dio Iruñeko Udalari hilabete horretan artatutako haur(ar)en izenean. Dirulaguntza baloratzeaz arduratzen diren teknikariek oniritzia eman ondoren, emandako laguntza ordainduko da.

2. Justifikazioa aurkezteko epemuga: Deialdiaren indarraldia amaitu baino lehen aurkeztu beharko da. Abenduaren kasuan, 2026ko urtarrilaren 10a baino lehen haurtzaindegiak edo onuradunak epe horri dagokion justifikazio-agiriak aurkeztu beharko ditu.



O. DIRUA ITZULARAZTEKO BERARIAZKO ARRAZOIAK:

Dirulaguntzei buruzko Ordenantza Orokorraren 45. artikuluan eta apartatu honetan adierazitako gainerako kasuetan ageri diren itzularazteko arrazoiak bat gertatzen bada, zilegi izanen da bai jasotako dirulaguntzak itzularaztea, osorik edo hein batean, bai berandutze-interesak galdatzea – dirulaguntzak kobratu eta hortik aitzina, dirua itzultzea bidezkoa dela erabakitako egunera arte–.

Dirua itzularazteko berariazko arrazoiak: ☐ BAI ☒ EZ

P. ERREKURTSOAK:

Deialdi honen, oinarri hauen eta horiek betearazteko har daitezkeen administrazio-ebazpenen aurka errekurtsio hauek paratzen ahalko dira, aukeran:

- Berraztertze errekurtsioa, administrazio-egintzaren egile den udal-organoari zuzendua, hilabeteko epean, errekurritzen den egintza jakinarazi edo, bestela, argitara eman eta biharamunetik aitzina.
- Gora jotzeko errekurtsioa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratu eta hortik aitzina.
- Administrazioarekiko auzi-errekurtsioa, Iruñeko Administrazioarekiko Auzien Epaitegiari zuzendua, bi hilabeteko epean. Epe hori errekurritzen den egintza jakinarazi edo argitaratu eta biharamunetik aitzina kontatuko da.

Q. KONTUAN HARTU BEHARREKO BESTE BATZUK:

Q.1. FAMILIAREN ERRENTA ETA DAGOKION DIRULAGUNTZA KALKULATZEKO PROZEDURA:

1. Deialdi honen B.1 apartatuan definitutako familia-nukleoaren baliabide ekonomikoak ezartzeko, baliabide ekonomikotzat hartuko dira familia-nukleoaren hileroko diru-sarrerak guztien eta ondarearen batura, deialdi honen D.1) apartatuko 3. eta 4. zenbakietan jasotako berariazko betekizunekin bat.

2. Diru-sarreraren balorazioa:

2.1. Lan-etekinen diru-sarrerak: 3. apartatuan ezarritakoa ezertan galarazi gabe, hileroko lan-etekintzat hartuko dira hileroko lortzen diren norberaren zein besteren konturako lanetik etorritako diru-sarrera garbi guztiak, eta familia-nukleoan aitortutako prestazioak edo pentsioak –funts publiko zein pribatuaren kontura finantzatu eta gizarte-aurreikuspeneko erregimenetan sartutakoak– (urteko diru-sarrerak zati hamabi).

Diru-sarrerak honela zenbatuko dira:

a) Besteren kontura arituta lan egonkorra edukiz gero, batez besteko diru-sarrerak kalkulatu dira abiapuntu hartuta azken hiru nominak, pentsioaren egiaztagiria edo indarreko urteko beste edozein prestazio ekonomiko.

b) Lan ezegonkoraren kasuan (aldizkakoak ez diren diru-sarrerak), hileko batez besteko gisa kontabilizatuko dira azken hiru hilabeteetan lortutakoak.

c) Norberaren konturako lan egoeran –hala banako enpresaburuen nola sozietate zibil irregularretan edo merkataritzakoetan elkartutakoen kasuan–, baldin eta eskabidea aurkezten dutenean urtebete edo gehiagoko lan egonkortasuna badute, azken errenta-aitorpena hartuko da kontuan, eta aitorten horren 507. epigrafean azaldutako kopuruak joko dira diru-sarreratzat. Familia-unitateko kide guztiek urtean-urtean jasotako pentsio, prestazio edo nominak direla-eta lortutako diru-sarrerak ere hartuko dira kontuan, halakorik



izanez gero, baldin eta azken Errentari buruzko Aitorpenean ez badira sartu.

d) Aurreko hiru puntuetan –a), b) eta c)– ezertan galarazi gabe, zaintza partekatuen kasuetan, honako arau hauek aplikatuko dira:

Eskaera bakar bat aurkeztu beharko da, titular bakar baten izenean, ezertan galarazi gabe aurkeztu behar izatea hala deialdi honen G.4) apartatuak aipatzen dituen agiriak nola amaren zein aitaren diru-sarrerak, eta haiei dagozkien familia-unitateenak, dirulaguntza osoa eman ahal izateko, hala badagokio.

Kasu horretan, aplikatu beharreko dirulaguntzaren ehunekoa kalkulatzeko, familia-nukleo bakoitzari dagozkion emakida-ehunekoen batez bestekoa egingen da modu independentean, bakoitzaren diru-sarreraren eta kide kopuruaren arabera.

Guraso baten eta haren familia-nukleoaren diru-sarrerak bakarrik aurkezten badira, gehieneko emakida C.3 apartatuan ezarritako dirulaguntzaren ehunekoaren % 50 izanen da, familia-nukleo horri dagokion dirulaguntzaren tarterako.

2.2.-Ondare-etekinen diru-sarrerak: Ondare-etekintzat hartuko dira kapital higiezin zein higigarrietatik jasotakoak, salbu deialdiaren D.1) apartatuko 4. zenbakian aipatutakoak.

3. Atal honetako Q apartatuko 2.1. puntuak aipatzen dituen baliabide ekonomikoen zenbaketan honako diru-sarrera hauek deskontatuko dira:

- Mantenu-pentsiotik datozen diru-sarrerak LGSaren % 35eraino kenduko dira pentsio horren mende dagoen haur bakoitzeko.**
- Gizarte Segurantzaren prestazioak ardurapeko seme edo alabarengatik.**
- Adingabeak familian hartzeak eragindako gastuak konpentsatzeko diru-prestazioak, Nafarroako Gobernuak emanak.**
- Xede jakineko dirulaguntzak. Honen barruan sartuko dira larrialdietako dirulaguntzak, etxebizitza erosteko zein gizarte-alokairukoak, bekak, eskola-garraiorako laguntzak eta familia-nukleoaren behar espezifiko bat estaltzeko emandako beste edozein.**

4. Diru-sarreretatik etxebizitzaren gastuak (alokairua edo hipoteka) deskontatuko dira, irizpide hauekin bat:

Diru-sarreretatik etxebizitzaren gastuaren % 70 deskontatuko da, gehienez ere 300 € hilean, gela bat alokaturik edukiz gero; eta bi gela edo gehiago alokaturik edukiz gero, gehienez ere 400 €.

Ezin izanen da deskontatu, inolaz ere, alokairuaren kostua baino zenbateko handiagorik.

Etxebizitzan familia-nukleoa bakarrik bizi den kasuetan, eta alokairuaren kontratuaren edo hipotekaren titularrak badira, alokairuaren edo hipotekaren hileroko kostuari % 70 aplikatu eta lortutako zenbatekoa deskontatuko da. Deskontatu beharreko zenbatekoa ez da inongo kasutan 400 €/hilean baino gehiago izanen. Etxebizitzako gela bat edo bat baino gehiago alokatuta dutenen kasuetan, kontzeptu horren bidez lortutako diru-sarrera alokairuaren edo hipotekaren kostutik deskontatuko da. Lortutako zenbatekoari aipatutako ehunekoa (% 70) aplikatuko zaio, dagokion kenkaria aplikatzeko.

5. Egoera bereziak: Kontuan hartuko dira, bestalde, apartekoak izateagatik tratamendu berezia eskatzen duten egoerak, baldin eta orokortzeko zailak badira eta gizarte- eta osasun-faktore larriekin zerikusia badute eta behar bezala justifikatuta badaude.

6. Enplegua era aktiboan bilatzen, noizbehinkako lanetan edo egunero 4 ordu baino gutxiagoko lanaldian ari direnek prestazioa jasotzeko eskubidea izanen dute bakarrik adingabeen arta ordaintzeko "Dirulaguntzak haurtzaindegia ordaintzeko" modalitatean (B.3.1.1.A apartatuan aurreikusitakoa).



7. B.3.1.1.A apartatuan aurreikusitako arta-modalitatean aipatzen den matrikularen kostuari dagokionez, familia-nukleoak haurtzaindegiz aldatzea erabakitzen badu, matrikula berri osoa ordaindu beharko du, betiere kontzeptu horren truke laguntza jaso badu 2025ean.

8. Arta etxean jasotzeko laguntzen kasuan, arta zaintzaile partikular batek edo enpresa espezializatu batek emanek gero, aipatutako baremoaren arabera izanen dira laguntzak.

Q.2. PRESTAZIOA BERTAN BEHERA UZTEKO ZIOAK:

Onuraduna izateko baldintzak betetzeari dagokionez, gerora sortutako ez-betetzetat hartuko dira honako inguruabar hauek, eta horietakoren bat gertatuz gero, dirulaguntzak bertan behera geldituko dira:

- Hautematea aurretik ezkutuan gordetako diru-baliabideak.
- Udaleko Gizarte Zerbitzuetako profesionalei lana ez erraztea beren egoeraren jarraipenean eta laguntzan.
- Ez aurkeztea erreferentziatzko langileek eskatutako agiriak.
- Haurra justifikatu gabe behin eta berriz ez joatea izena emana/matrikula egina duen zentzora.
- Beste herri batera bizitzera joatea edo erroldan baja hartzea.
- Onuradunak uko egitea.
- Onuradunen egoera sozioekonomikoan funtsezko aldaketarik gertatzea, baldin eta horrek eragiten badu dirulaguntza hauen onuraduna izateko baldintzak ez direla betetzen.
- Dirulaguntza ematea ekarri zuten arrazoiak amaitzea.
- Eskariak ez betetzea deialdiaren B.1), B.3) edota D.1) apartatuetan adierazitako betebeharrak, eskatutako agiriak ez aurkezteagatik, zein deialdi honen B.4) apartatuan jasotako irizpideetara ez egokitzeagatik.

R. ERANSKINEN AURKIBIDEA:

☒ **I. ERANSKINA. ESKABIDE-EREDUA.**

☒ **II. ERANSKINA. ERANTZUKIZUNPEKO ADIERAZPENA, ONURADUNAK BETEKIZUNAK BETETZEN DITUELA ETA ONURADUN IZATEKO EZEIN DEBEKU ZIOK UKITZEN EZ DUELA ZIURTATZEKO.**

☐ **III. ERANSKINA. ERANTZUKIZUNPEKO ADIERAZPENA, XEDE BERERAKO DIRULAGUNTZAK ESKATU IZANAREN GAINEAN.**

☒ **ERANSKIN OSAGARRIAK.**

III. eranskina. TXOSTEN SOZIALAREN PROPOSAMENA.

IV. eranskina. BERRIKUSPEN-TXOSTENA

V. eranskina. Transferentzia bidez ordaintzeko eskabidea

VI. eranskina: Baimendutako ordainketa-lagapena